

पाथ १७ परमेस्वरए ओयेन दाज्याव

पाथ १५ ल गे मन्दलीलाव सदस्या
गेतावए पैसा याद मन्दलीलाव येनत सेवा
दाव परिण लिन्या गेचिऊके। आव पाथल
आवए जूनी अभ परिन्या गेले।



१. बाइबलए है लिज्या-

“अ परमप्रभु ... नम सोनो नामलाव लिज्याव भरी प्राई नमीं ज़।”
(१ इतिहास २६:११)

हो ची ताकिन्दा प्राई लिज्याव भरिए यार्गे सु?।

२. परमेस्वरए उमीं काता काता ओताज्याव?।

३. लिज्याव भरी परमेस्वरए उमींर ज़। ख्रीस्त्यानरालाई ओल
ज़ नो उमींराए जूनी तोबो तोबो ओयेन दान्यार जैद
यानैव। ओयेन दान्या है लिसिउ ब तोबो तयो लैज्याव
मिताव ज़। प्राई बन्दोबस्तर हो मिँए ज़ मिलैव परिज्या।
सम्पतए हक सुलाई उलिज्याव?

क... तयो मिलैज्यावलाई ख.... ओर्गेलाई ग... छुतलाई

४. परमेस्वरए जूँनी बाइबलए है लिज़्या-

“लिज़्याव भरी प्राइँ नँनी ज़ हुज़्या। नँ नयासिउनी ज़ गो नँलाई
गेईज़्या।” (१ इतिहास २६:१४)

परमेस्वरए ओयेन दान्या स्रोनो तयो लैन्या है लिसिउए
ओअर्थ प्राइँ लिज़्याव भरी माःक नो ते प्राइँ
..... उमीं ज़ लिज़्या।

५. गेलाई परमेस्वरए उयुँ हुप्द ज़ ओयासिउ येन भरी
दाज़्यावर गेलिज़्या। नो खेम्द बाज़्याव ते- पैसार, सम्पतर
ज़ ताव धुव अथबा गेसमय स्रोनो ग्यान मनी ताव धुव।
हो ची ताकिन परमेस्वरए चाव ओयेन दाज़्यावर गेतावए
सुए जूँनी गेस लिज़्याव प्राइँ सम्पत चलैव उपरिज़्याव?
..... जूँनी।

६. नमुनाए जूँनी खेम्द बान्या सम्पत ते- गेफ़िमर, गेक्वार
स्रोनो गेसकाव लिज़्याव पैसालाई सम्जिउ ताके। मेलाव
यासिउ चित्ररानी कन्काव मिँर ओयेन दाज़्यावर
यालिज़्याव स्रोनो परमेस्वरए ओरायो येनर चावस
याचलैज़्याव रो? थिक जवापत (✓) चिना लैव ताके।

क.

ख.

ग.

घ.

डालाई नो बने ओएः
ल्यो. हिराए सिखरी
जुनी मनी चाहिज़्या।



क

भाइ. नैलाई आक
एकमन्या स्वागत निज़्या।



ख

तुहुरा ओताज़्याककी जो
ओताज़्याक काता मतलबा
डामी है डाल्योकिन डामी ज़।



ग

डाकमाइ ते चाव माले हैदी ब
डाचाहिज़्याव भरी सबैसाज़्याव
परमेस्वरलाई डायुं हुप्ज़्या।



घ

७. पुरांदो बाचाल येसु ओमाजर्मिद ड़ादा ज़ परमेस्वरए
ओयेनए जूँनी मिँराए याकमैव सम्पत दस भानी तभा
याएज़्याव। आवलाई दस भा है यादोज़्याव। नमुनाए
जूँनी-

क. एकमन्या दस भल्की ताम हुज़्याव

एँ:नी परमेस्वरए जूँनी किसानीए ताम
ओएःज़्याव।

ख. एकमन्या तसय भल्की तामनी

परमेस्वरए जूनी किसानीए.....भल्की ताम
ओएज्याव।

ग. एकमन्या तहजार भल्की ताम हुज्याव एँ:नी
परमेस्वरए जूनी किसानीए भल्की
ताम ओएज्याव।

८. हितावनी ज़ डादाडाव माँ:ती तामए भल्की मायाद ज़
मातान्या ते मा:क खाली दस भा गेएक गेकमैज्यावनी
तसयनी दस वाज़ याव परिज्या। अथबा १०० रूप्या
कमाइ ओताक परमेस्वरए ओयेनए जूनी खा याव
उपरिज्याव? रूप्या।

९. लिज्याव भरी परमेस्वरए उमीं ज़ ओतादी ब पुराँदो
बाचालाव दस भाए गे खा गेकमैज्याव हो मितावनी ज़
दस भा परमेस्वरए ओयेनए जूनी छुतैन्या पाँ नो बाचाए ज़
सतैज्याव। पुराँदो बाचाल मिँराए याकमाइनी खाभाग
परमेस्वरए ओयेनए जूनी याएज्याव?

.....

..... ।

१०. बाइबलए है लिज़्या-

“प्राइँ दस भानी तभा दुप्सिज़्यावल रैचिके ... “डालाई जाँचिद चिऊनाचिके” बनै ओसक्ती ल्यो परमेस्वरए है लिज़्या, “डा स्वर्गताव ग्रामर फैद कान्ल ज़ मासुइँन्या असिक जेक्याँत डासवाज़्याव सैं डामासवाज़्याव।” (मलाकी ३:१०)

पुराँदो बाचालाव पद मिताव जोए ओकमाइ भरिनी दस भानी तभा परमेस्वरए ओयेनल रैज़्याव, निताव मिँलाई परमेस्वरए असिक खा यान्या बाचा दाद नैव? बनै कुधु अथबा सुइँन्या मनी तान्या माले।

११. आज्याल मनी कुधु ख्रीस्त्यानराए दस भा याद इतावनी ज़ धोल पोगोल असिकर दैद नैर। याकमाइनी परमेस्वरलाई भानी याज़्यावए कुधु असिक दैज़्याव।

१२. सा:रो बाचानी आव पाँलाई इतावनी ज़ सतैँसिउ लिज़्या-

“साताकाव तखेप उस०कताव छचाम सु सु जेधुवाकाव
दुप्द नैच्यो। डा डाहुवत स्योः न्या ताताक।”

(१ कोरिन्थी १६:२)

आव पद मिताव परमेस्वर ए उजूनी गे भिती दुप्न्या चाव
तरिका काता?

क. गेकमाइ छचा ओतादी ब कुधु ओतादी ब
खास तुकिन्या।

ख. गेकमाइ खा ताज़्या, हो मितावनी ज़ यान्या।

१३. क. पुराँदो बाचाल परमेस्वर ए उमीराए परमेस्वरलाई
खा याएज़्याव?

..... ।

ख. साःरो बाचाल गेलाई खारूप्या यान्या है दासिउ
उलिज़्याव?

क्याँए मितावनी।

१४. पावल ए है लिज़्या-

“गेप्रभु येसु ख्रीस ए उयुं गेल्योदा ओगराँव जे ब जेसैज़्याखेहो।

नो डादा प्राइंनी प्राइंनी यो व उलिदी ब गे गेजूंनी काता ज़ माल्यो जैसिद हुके। गेलाई प्राइंनी यो वर जैन्याए जूंनी गेजूंनी नाःल्दिउ येन दादचासिक्यो।” (२ कोरिन्थी ८:६)

येसु ओमाहुदकाव पुरांदो बाचालाव मिंराए
परमेस्वरलाई दस भा याएज़्याव ल्यो ताकिन आछिम
ख्रीसए ओमयानिकव उपाहार सैंधुवर गे गेकमाइनी
याव परिण है लिसिउ लिज़्या। आवए ओअर्थ काता
ओताव?

क. नोराए याएज़्याव दस भा किन छया ज़ याव
परिण।

ख. दस भा याव ज़ परिण खाली कमाइ किताव
ओताज़्याव हितावनी ज़ याव परिण।

ग. जात ज़ याव मापरिण।

१५. क. तान्या ते आव गेकमाइ काता ज़ माःक। हैदी ब गे
एकमन्या आव सम्जिउ परिण गेसकाव लिज़्याव
..... ओल उमीं ज़ माःक।

ख. तोबो चाव येन दाज़्यावए सुए उजूंनी ओलसकाव
लिज़्याव भरी ओचलैज़्याव?
..... ।

१६. ताव धुव, परमेस्वरए उमींराए याएज़्याव दस भा सोनो भिती काताए जूनी याचलैज़्याव लिद नँ छक्क ज़ नताज़्याज़्याख्यो। आवए जूनी बाइबलए कुधु सतैंद ओयासिज़्याव गेरैःज़्या। रोमी १५:२६ ल पावलए है लिद ले, “नलाव माथैंव मायो वरालाई माकेदोनिया सोनो अखैयालाव मन्दलीराए डाकुइत रूप्यार परींद याराएज़्यार।” आव मिताव गेभिती मन्दलीए काताल चलैव उपरिज़्याव?

क. तोबो गरीब परिवारलाव मिँलाई यान्या।

ख. तोबो धनी नैलाई यान्या।

ग. मन्दलीलाव गेयेन दाद ओयासिउए तोबो धनी मिँलाई उपाहर मिताव यान्या।

१७. गेदुज़्याव भितीलाई चावस चलैन्याए जूनी बाइबलए है लिज़्या-

“परमेस्वरए ओपाँ सिऊसिज़्याव मिँए सिऊज़्यावलाई ओसघैवक।” (गलाती ६:६)

आव पद मिताव गेभिती छुत काता काताल चलैसिउ
ताव उपरिज़्याव?

क. मन्दलीलाव तोबो धनी सदस्यालाई यान्या।

ख. मन्दलीलाव सेवा दान्यादा ओसमय भरी
याद होत ज़ सूपिसिउ अगुवालाई सघैन्या।

ग. बाइबलस माखैव पाँ पैज़्याव तोबो मिंलाई
सघैद।

१८. गेचरैःव भिती काता काता नेथो येनए जूनी चलैव
उपरिज़्याव?

क. गरीबलाई सघैन्या।

ख. धनीलाई यान्या।

ग. ख्रीस्त्यानराए सेवा दोज़्याव (पुरा समय
येन दाज़्याव) लाई सघैन्या।

१९. खास दाद परमेस्वरए ओयेनत साएताए जूनी ज़ भिती
गेभाःज़्या। रोताव है लिसिउ नेथो येनए जूनी साएता
गेदोक चाव येन दाज़्यावए ओदोज़्याव मितावनी ज़
साएता दाव परिके सोनो एकमन्या आव ब याका दाव

परिज्या जो गेएज्या हो ते डादा ज़ उमीं लिज्या
नो माःक।

२०. भिती यान्याए जूनी बाइबलए है लिज्या-

“है जैद जे मनी आःज़ डाभाःरिज्या लिद जेयुँल ज़
थरैच्यो। खाली नो करस ब ताताक, युँ कैद ब ताताक।
उयुँ माकैद याज्याव मिँलाई परमेस्वरए मया दोज्याव।”
(२ कोरिन्थी ६:७)

क. हो ची ताकिन्दा परमेस्वरलाई गेएक कै जैद याव
उपरिज्याव?

ख. गे कै जैद याव ओमापरिज्याव?

..... माताद याव मापरिए।

२१. ओललाई पैसानी सघैज्याव फिलिप्पीलाव लिज्याव
ख्रीस्त्यानरालाई पावलए सर्द याएज्याव-

“डालाई सयो दयाज्याव परमेस्वरए जेलाई मनी माथैव
मायो व भरिल येसु ख्रीसए स्वर्गताव ओधननी
ज़ सयो दयान्या ले।” (फिलिप्पी ४:१६)

गे परमेस्वरलाई कितावनी याव उपरिज्याव?

क. क्यॉलाई छींनी कै तान्या लिद छे.द

युँ ओमालिज़्यावत मनी।

ख. परमेस्वरए गेलाई य़ाका दासिज़्याव लिन्या

पाँत धुक्क ताद खुसीस।

२२. बाइबलए है उलिज़्याव मिताव मन्दलीलाव सदस्याराए
सतस याएकिन परमेस्वरए ओयेनत मन्दलीए कुधु चाव
येन दोधुज़्याव। आव पाँलाई बिचार दाव ताके।
आव अर्थनी गे परमेस्वरलाई कितावनी याव
उपरिज़्याव? ।

२३. है जैद, एकमन्या आव ब य़ाका दाव ताके यान्या
बेलाक एकमन्या य़ालो युँ ताव परिए। खास ते
..... सोनो गेमन्दलीलाव याक भन
य़ालो युँ ताव परिए।

२४. बाइबलए है लिज़्या-

“आव गेसमय बनै माचाव ओतावए परमेस्वरए ओयेन दान्यात मौका भरी छुपिउ ताके।” (एफिसी ५:१६)

है जैद परमेस्वरए ओयासिउ येन भरी दान्या है लिसिउ परमेस्वरए ओयेनए जूनी पैसानी सघैन्या वाज़ माःक थिक समय छुपिन्या मनी सैव ताके। आव कै जैद ओदासिधुज़्याव की?

क. माचाव येन दाद।


ख. ओचाहित माल्यो पाँरादा समय भाःद।

ग. थिक येनराल समय भाःद।


२५. चाव येन दान्या जैसिद समयलाई थिकस चलैन्या है लिसिउए ओअर्थ ला भरी बाइबल परिन्या सोनो पोखारिउ वाज़ परिए है लिसिउ ब माःक एकम्या मन्दलील बाद सेवा दाद वाज़ समय भाःन्या है ल्यो ओपैज़्याव ब माःक। आवए ओमतलब ते गे जो बेलाक तादी ब परमेस्वरए उयुँ होलाँ तान्या येनर दाव परिए है लिसिउ ची।

मेलाव यासिउ चित्रलाव मिँ भरीरानी काताकावए परमेस्वरलाई उयुँ होलाँ तान्या जैद ओसमय भरी भाःद ओनैज़्याव?



क. ख. ग.



क



ख



ग

२६. समय ते सुन स्यासो बनै ओए: ल्यो लिज़्या। तोबो चाव येन दाज़्यावए समयलाई बनै ओए: ल्यो मानिद समयए मौका छुपिज़्याव मानी समय ब खेम्धुज़्या। समय भरी परमेस्वरए उकुइत ज़ उलिज़्यावए मेलाव यासिउरानी गे काता दाव उपरिज़्याव?

क. उधुसिवा छ्या येन दाद समय भाःन्या।

ख. सुए ज़ रँःन्या यामादोदी ब येन जाँगरस दान्या।

ग. ला भरी बाइबल परिन्या सोनो पोंखारिन्या।

घ. प्राइँत प्रभुए ओपैँज़्याव खिमन्या सोनो ओल ओपाँ दान्या।

२७. आखिरिल डाताव पाथल पैसिसिउ मिताव
परमेस्वरलाई गेसकाव लिज़्याव प्राईं सिपर सोनो
बरदानर याव परिके। नँसकाव खास बरदान काता
लिद सैन्याए जूनी परमेस्वरलाई सुधिउ ताके। छुत
नमुनार मनी गेचिऊया-

छुत पानाल चित्रस खैज़्याव पाँर सर्सिउ लिज़्या। आवए
ओड़ालाव खाली पोल नोए है उलिज़्याव काताकाव
चित्रस ओखैज़्याव, नोए ओअछेर सरो ताके।



क. मन्दली स्यासी जैन्यात सघैज़्याव।
ख. सेवाए जूनी चुसिन्या पोर मिलैज़्याव।
ग. सा:रो पाहुनारालाई मन्दलीलाव
सेवाल स्वागत दाज़्याव।

घ. भिम भिमकाव सङ्गतिल कोरसर
गैन्या पैज़्याव।

ङ. भजन पोस्तोकोर मिलैज़्याव।

२८. परमेस्वरए ओसेवात तोबो चाव येन दाज़्यावए चलैव
परिन्या सोम्लो चिसर काता काता?

क. पैसा सोनो चिसर।

ख. दिन दिनकाव पाइँरानी छींताव समय।

ग. गेसकाव लिज़्याव बनै जिम्ज़ा पैसा।

घ. गेसकाव समय भरी।

ङ. गेबरदान सोनो गेसीपर।

२९. आख ते जाँच १७ दाव ताके।

जाँच १७

१. परमेस्वरए ओयेन चावस दान्याए ओअर्थ ज़ लिज़्याव

भरी उमीं लिज़्या खाली

..... माःक लिद सैन्या ज़।

२. चाव येन दाज्यावए ओलसकाव लिज़्याव भरी सुए उजूनी
ओचलैज़्याव?

..... ।

३. चाव येन दान्याए जूनी परमेस्वरलाई याव परिन्या सोम्लो
पाँर काता कातार?

क. ।

ख. ।

ग. ।

४. क. पुराँदो बाचालाव समयल मिँराए परमेस्वरलाई
याकमाइनी खाभाग याएज़्याव?

..... ।

ख. ख्रीस्त्यानराए याकमाइनी आवकिन छया सैं कुधु,
खा याव उपरिज्याव?

..... ।

ग. काराव? ।

घ. गे परमेस्वरलाई कै जैद याव उपरिज्याव?

..... ।

ङ. गेचरैःज्याव भिती सोनो दस भा मन्दलील खास दाद
काताकाव नेथो समुहए जूनी ओचलैसिज्याव?

..... ।

..... ।